



Ado Lyngep Atuarfia
Postboks 320
Mail: Adolynge@adolynge.gl
Tlf: 892345
3950 Aasiaat

Ado Lynge Atuarfianut qinnuteqarnissamut periusissaq

Inatsit aallaavik:

Inatsisartut Inatsisaat nr. 15 af 3. december 2012 Meeqqat atuarfiannut inatsit § 25 og § 34:
§ 25 imm. 4-6:

Atuarfinni najugaqarfiusuni immikkut aaqqissuussani najugaqarnek angajoqqaanut akeqanngilaq. Atuarfinnut najugaqarfiusunut immikkut aaqqissuussanut atuartunik najuqaqalersitsinermi aamma agguataarinermi kiisalu kommuuniisa akiliisarnissaat pillugu Naalakkersuisut erseqqarissumik aaliangersaapput.

§ 34: angajoqqaatut pisinnaatitaaffit pisussaataaffiillu, Inatsissartut inatsisaanni matumani pineqartut, inummiit inunnilluunniit meeqqamut angajoqqaatut oqartussaaffeqqartunit akisussaaffigineqarput.

Imm. 2. Atuarnerup aallartinnissaa sivisussusissaalu pillugit apeqqutit eqqarsaatigissanngikkaanni, atuarfiup inuk meeqqamik ulluinnarni pilersuisuusoq, angajoqqaatut oqartussaaffeqartut sinnerlugit iliuseqarsinnaatitaasutut isigisinnaassavaa.

Ado Lyngep Atuarfia sullinniagai:

Ado Lyngep Atuarfiata atuartut 14-ileereersimasut atuartuutigissallugu soqutigisaraa. Misilittakkat takutippaat 14-it ataappallaarnagillu qaangerpallaassanngikkaat. Inatsisartut Inatsisaat nr. 15 af 3. december 2012 Meeqqat atuarfiat pillugu § 15imi allaqqavoq: Atuartut piginnaasamikkut ajornartorsiuteqarnertik pissutigalugu nalinginnaasumik atuartitsinerup iluani immikkut ikiorserneqarnissaminnik pisariaqartitsinerat tunniunneqarsinnaanngippat, immikkut atuartinneqassapput allatullu annertusisamik immikkut perorsaanikkut ikiorserneqassallutik.

Imm. 2. Atuartut atuarfimmi, imm.1 malillugu, naammattumik ikiorserneqarfigisinnaanngisaminni atuartuusut, atuartut angerlarsimaffiini, atuartunut inissiani atuarfinniluunniit najugaqarfiusuni immikkut aaqqissuussani § 25-mi eqqaaneqartuni najugaqarnissaminnik neqeroorfigineqassapput.

Imm. 3. Immikkut atuartitsineq aamma allatut immikkut perorsaanikkut ikiorsiineq malittarisassanik Naalakkersuisut aalajangersagaannik tunngaveqarluni aallartisarneqassapput, taamaaliornermi malittarisassat §§-ini 7, 8, 10, 11, 12, 13, 14, imm. 2 aamma 22, imm. 1-6-imi eqqartorneqartut sanioqquataarneqarsinnaapput.

1): Angajoqqaat atuarfillu

Atuarfiup qinnuteqaat immersussavaa atuartoq angajoqqaallu peqatigalugit. Angajoqqaat qinnuteqaat atsiussavaat. Atuarfimmi qinnuteqaammut kakkiunneqassapput pappilissat attuumassutillit qinnuteqaammut ilanngutissavaat, soorlu makku: Atuartitsinermut pilersaarut, atuartitsinermut nalunaarusiaq, qaammatit marlukkaarlugit naliliisarnerit, immikkut ittumik atuartitsinermut tunngatillugu ataatsimiittarnernit imaqarniliat, ilinniartitsisut oqaaseqaataat paasissutissallu suliamut tunngasinnaasut. Atuarfiup pisortaata/immikkut atuartitsinermi siunnersortip qinnuteqaat pappiaqqallu attuumassutillit Inunnik Isumaginnittoqarfimmut nassiunneqassaaq.

2): Inunnik isumaginnittoqarfimmi ataatsimiititaliaq

Inunnik isumaginnittoqarfimmi qinnuteqaat atsiorneqassaaq oqaaseqarfigineqarlunilu. Pappiaqqat attuumassutillit ilanngunneqassapput, soorlu: Inunnik isumaginnittoqarfimmiit nalunaarusiaq, atuartumut suliniutaasimasut (immaqalu ilaqutaasunut suliniutaasimasut), nakorsamit allakkat. Nakorsaqaarfimmiit paasissutissat, meeqqanut tarnit pissusaanit ilisimasallit nalunaarusiaat, paasissutissallu atuartup Ado Lyngep atuarfiata matoqqanerata nalaani feeriartoqartillugu sumiittarnissaanut paasissutissat. Paasissutissat Atuarfeqarnermut immikkoortortamut nassiunneqassapput.

3): Atuarfeqarnermut immikkoortortoqarfimmi

Atuarfeqarnermut immikkoortortoqarfimmiit qinnuteqaat pappiaqqallu attuumassutillit tiguneqarunik tassani aamma atsiorneqassapput. Allamik suliamut attuumassutilinnik paasissutissaqarpat taakku aamma ilanngunneqassapput. Qinnuteqaat paasissutissallu MISI/PPR-imut attuumassutilimmut nassiunneqassapput.

4): MISI/PPR

MISI/PPR-p qinnuteqaat pappilissallu atsiornikut tigussavaat ppv-llu ataatsimiinnernilu imaqarniliat ilaareersimanngitsut ilanngullugit. Qinnuteqaat paasissutissallu tamaasa Ado Lyngep atuarfianut ingerlatinneqassapput.

5) Ado Lyngep Atuarfia

Ado Lyngep Atuarfiata qinnuteqaat paasissutissallu suliamut tunngaveqartut tigugunikkit, nalilersuissapput. Nalilersuereernerme inunnik isumaginnittoqarfimmi sullissisoq/innarluutilinnik suliaqartumut aaliangiussaminnik nalunaarfigineqassaaq nalunaaruteqassapput, tassa atuartoq aallartissinnaanersoq iml. aallartissinnaannginnersoq. Ado Lyngep atuarfiani aallartissinnaasutut atuartoq nalilerneqarpat paasissutissat suliamut tunngassuteqartut atuarfimmut angerlarsimaffimmullu nassiunneqassapput.